



ANM(T)81/20/8/15 Jld. (27j)
14 Februari 2012

Semua Ketua Setiausaha Kementerian

Semua Ketua Jabatan Persekutuan

Semua Setiausaha Kerajaan Negeri

Y. Bhg. Tan Sri/ Datuk/ Dato'/ Datin/ Tuan/ Puan,

**PEPERIKSAAN BAYARAN INSENTIF TUGAS KEWANGAN (BITK) JABATAN
AKAUNTAN NEGARA MALAYSIA TAHUN 2012**

Dengan segala hormatnya saya merujuk kepada perkara di atas.

2. Adalah dimaklumkan bahawa Jabatan Akauntan Negara Malaysia (JANM) akan mengadakan Peperiksaan Bayaran Insentif Tugas Kewangan (BITK) pada **06 Jun 2012**. Sehubungan dengan itu, kerjasama Y. Bhg. Tan Sri/ Datuk/ Dato'/ Datin/ Tuan/ Puan amatlah diharapkan agar dapat memaklumkan perkara ini secara menyeluruh kepada semua anggota di bawah seliaan tuan yang layak mendudukinya, termasuk anggota yang berkhidmat di agensi dan badan berkanun seliaan kementerian atau jabatan Y. Bhg. Tan Sri/ Datuk/ Dato'/ Datin/ Tuan/ Puan.

3. Berikut adalah **syarat-syarat permohonan** dan cara memohon peperiksaan BITK berkenaan:

i. Pegawai Yang Layak Memohon

- a. Pembantu Akauntan [PA]
- b. Pembantu Tadbir (Kewangan) [PT(Kew)]
- c. Anggota dalam skim berikut yang menjalankan tugas kewangan dan menerima BITK RM40.00 sebulan
 - Pembantu Tadbir (Perkeranian/Operasi)[PT(P/O)]
 - Skim Perkhidmatan lain yang setaraf dan yang lebih rendah dari PA, PT(Kew) dan PT(P/O)

- d. Anggota dalam Perkhidmatan Negeri dan Badan-Badan Berkanun yang ingin menduduki peperiksaan hendaklah mendapat persetujuan Pihak Berkuasa masing-masing terlebih dahulu.

ii. Cara memohon

- a. Permohonan untuk menduduki peperiksaan BITK ini hendaklah dibuat secara *online* dengan melayari laman web JANM di www.anm.gov.my
- b. Semua calon hendaklah memastikan maklumat yang dikemukakan adalah benar. Sekiranya maklumat yang diberikan didapati tidak benar, keputusan peperiksaan berkenaan akan terbatal.
- c. Pastikan kod peperiksaan dan kod pusat peperiksaan yang diisi adalah lengkap dan betul.
- d. Permohonan melalui borang OMR tidak akan dilayan.

iii. Sukatan Peperiksaan

- i. Sukatan peperiksaan yang telah diluluskan oleh Lembaga Peperiksaan Kementerian Kewangan adalah seperti di Lampiran A.

iv. Tarikh Tutup Permohonan

- i. Tarikh tutup permohonan adalah pada **28 Mac 2012 (Rabu)**.
- ii. Sila cetak Slip Akuan Terimaan permohonan dan hantar kepada urus setia untuk semakan.

4. Slip Arahan Calon yang mengandungi angka giliran, pusat, tarikh dan masa peperiksaan boleh dicetak melalui laman web jabatan dua (2) minggu sebelum tarikh peperiksaan. Slip ini hendaklah dibawa bersama-sama semasa menghadiri peperiksaan berkenaan. **Sebarang perubahan pusat peperiksaan tidak akan dilayan.**

5. Sebarang pertanyaan atau kemusykilan boleh dikemukakan terus kepada Urus Setia Peperiksaan di talian 03-88821087/1197/1054 atau melalui email di alamat urus_peg@anm.gov.my.

Sekian, terima kasih.

“BERKHIDMAT UNTUK NEGARA”
”Inovasi Ke Arah Perakaunan Akruan”

Saya yang menurut perintah,



(ROSINI BINTI ABD SAMAD)
Timbalan Akauntan Negara (Korporat)
b.p Akauntan Negara Malaysia

- s.k:
- i. Semua Pengarah Bahagian JANM
 - ii. Semua Pengarah Negeri/Cawangan JANM
(Perhatian tuan adalah ditarik kepada para 3(ii) mengenai cara memohon peperiksaan BITK. Sukacita dimaklumkan bahawa borang OMR tidak digunakan lagi.)
 - iii. Fail Timbul

SUKATAN PEPERIKSAAN BAYARAN INSENTIF TUGAS KEWANGAN (BITK)

1. Matlamat sukatan : Untuk menentukan bahawa undang-undang dan peraturan mengenai kewangan dan perakaunan kerajaan difahami dan diketahui penggunaannya dalam segala urusan harian. Pengetahuan ini penting bagi mengelakkan berlakunya kesilapan dalam pengurusan kewangan kerajaan.
2. Tujuan peperiksaan : Untuk membolehkan Pembantu Tadbir (Perkeranian/Operasi) dan skim perkhidmatan lain yang setaraf dan skim perkhidmatan lain yang lebih rendah yang sedang menerima BITK RM40.00 sebulan, Pembantu Akauntan dan Pembantu Tadbir (Kewangan) memiliki sijil bagi melayakkan mereka dibayar BITK RM80.00 sebulan.
3. Pegawai yang layak menduduki peperiksaan : Pembantu Tadbir (Perkeranian/Operasi) dan skim perkhidmatan lain yang setaraf dan skim perkhidmatan lain yang lebih rendah yang sedang menerima BITK RM40.00 sebulan, Pembantu Akauntan dan Pembantu Tadbir (Kewangan).
4. Sukatan peperiksaan : Soalan-soalan yang akan ditanya kepada calon-calon adalah berdasarkan kepada perkara-perkara berikut :-
 - i. Pengurusan dan Kawalan Belanjawan
 - ii. Pengurusan Kewangan Am
 - iii. Pengurusan Terimaan
 - iv. Pengurusan Perolehan Kerajaan
 - v. Pengurusan Bayaran Emolumen
 - vi. Pengurusan Pembayaran
 - vii. Pengurusan Akaun
 - viii. Pengurusan Belanjawan / Kewangan / Terimaan / Pembayaran dari aspek Pihak Berkuasa Tempatan

ix. Sistem Perakaunan Mikro

Bahan Rujukan

- i. Arahan Perbendaharaan
- ii. Pekeliling dan Surat Pekeliling Perbendaharaan Terkini (yang berkaitan dengan kewangan)
- iii. Pekeliling dan Surat Pekeliling Perkhidmatan yang berkaitan dengan gaji dan elaun
- iv. Surat Pekeliling Akauntan Negara Malaysia terkini
- v. Perintah Am Bab B (Elaun-elaun) dan Bab G (Waktu bekerja dan elaun lebih masa)
- vi. Pekeliling Kemajuan Pentadbiran Awam yang berkaitan dengan Sistem Perakaunan Mikro

Bentuk soalan : Objektif (Aneka pilihan – merangkumi teori dan kajian kes)

Jumlah Soalan : 40 (jawab semua soalan)

Masa : 1 ½ jam

Markah : 40

Calon-calon tidak dibenarkan merujuk kepada apa-apa bahan rujukan.

5. Keputusan : Lulus / Kandas

6. Bahasa(soalan& jawapan) : Bahasa Malaysia

7. Permohonan dikemukakan kepada : Urusetia Peperiksaan BITK
Bahagian Pembangunan Perakaunan dan Pengurusan
Jabatan Akauntan Negara Malaysia
Aras 6, No. 1 Persiaran Perdana
Kompleks Kementerian Kewangan, Presint 2
Pusat Pentadbiran Kerajaan Persekutuan
62594 Putraya

Bagi permohonan daripada Pembantu Tadbir (Perkeranian/Operasi) dan skim perkhidmatan lain yang setaraf dan skim perkhidmatan lain yang lebih rendah, Ketua Jabatan hendaklah mengesahkan anggota berkenaan sedang menerima BITK RM40.00 sebulan di dalam permohonan.

8. Kesenangan peperiksaan : Sekurang-kurangnya 1 kali setahun
9. Tarikh akhir mengemukakan permohonan : Tertakluk kepada takwim peperiksaan yang dikeluarkan
10. Syarat-syarat lain : Tertakluk kepada fasal 3 di atas, Pembantu Tadbir (Perkeranian/Operasi) dan skim perkhidmatan lain yang setaraf dan skim perkhidmatan lain yang lebih rendah yang telah memiliki sijil Peperiksaan BITK tetapi tidak menerima BITK selama lima (5) tahun atau lebih secara berterusan, perlu menduduki semula dan memperolehi sijil peperiksaan ini sebelum layak dibayar BITK RM80.00 sebulan.